

增壹阿含經

才三十七

二百六十九
如七

49447
8




元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置



增壹阿含經卷第三十七

符秦建元年三歲曇摩難提譯

八難品第四十二餘

當云何與車那比丘從事世尊告曰當以梵法罰之阿難白佛言云何梵法罰之世尊告曰不應與車那比丘有所說亦莫言善復莫

言惡然此比丘亦復不向汝當有所說阿難

白佛言設不究事者此則犯罪不重乎世尊

告曰但不與語即是梵法之罰然由不改者

當將詣眾中諸人共彈使出莫與說戒亦莫

與法會從事尔時世尊便說此偈

欲與彼怨家

而報其怨者

猶如怨家語

此惡無過者

是時拘尸那竭人民聞如來當取滅度剋在
夜半是時國土人民往至雙樹間到已頭面
禮足在一面坐介時人民白世尊言今聞如
來當取滅度我等當云何興敬是時世尊願
視阿難是時阿難即作是念如來今日身禮
疲倦欲使我盲授彼義是時阿難右膝著地
長跪叉手白世尊言今有二種之姓一名婆阿
陀二名須拔陀今來自歸如來聖衆唯願世
尊聽爲優婆塞自今已後不復殺生復有名
帝奢二名憂波帝奢復有名弗舍二名雞頭
如是之比皆來歸如來唯願世尊聽爲優婆

塞自今之後不復殺生奉持五戒時出尊
廣說法發遣使歸是時五百摩羅衆即從座
起遶佛三匝便退而去念時世尊告阿難曰
吾最後受證弟子所謂拘尸那竭五百摩羅
是也念時須拔梵志從波波國來至拘尸那
竭國遙見五百人來即問之曰汝等何人

來五百人報曰須拔當知女來今日成道
度在雙樹間是時須拔便作是念如來出現
於世甚為難遇如來出世時時乃有如優曇
鉢華億劫乃出我今少多有疑不解諸法唯
彼瞿曇沙門能解我狐疑我今可往至彼瞿
曇所而問此義是時須拔梵志至雙樹間到

阿難所白阿難曰吾聞世尊今日當取滅度
爲審余不阿難報曰審有其事須拔白言然
我今日猶有狐疑唯願聽許白世尊此言餘
人不解六師所說爲得見沙門瞿曇所說乎
阿難白言止止須拔勿燒如來如是再三復
白阿難曰如來出世甚不可遇如優曇鉢華
時時乃有如來亦復如是時時乃出然我今
觀如來足能解我狐疑我今所問義者蓋不
足言又今阿難不與我往白世尊又聞如來
却覩無窮前覩無極然今日猶不見接納是
時世尊以天耳遙聞須拔向阿難作如是論
余時世尊告阿難曰止止阿難勿違身拔

志所以然者此來問義多所解益若其
者即得度脫是時阿難語須拔言善哉善哉
如來今聽在內聞法是時須拔聞此語已歡
喜踊躍不能自勝又復須拔往至世尊所頭
面禮足在一面坐尔時須拔白世尊言我今
欲有所問唯願聽許是特世尊告須拔曰尔
正是時宜可時問是時須拔白佛言諸異沙
門瞿曇知諸筭術多所過度所謂不蘭迦葉
阿夷端瞿耶樓般休迦旃先毗盧持尼捷子
等如此之輩知三世事乎為不詳耶其六師
之中復有勝如來乎尔時世尊告曰止止須
拔勿問此義何煩問此勝如來乎尔時世尊告曰

在此座上當與法說法善思念之。淨慧心。言今當為問深義。唯願世尊以時說之。爾時世尊告曰。我初學道時。年二十九。欲度人民。故二十五年在外道中學。自是已來。更不見沙門婆羅門。其大衆中。無八賢聖道者。則無沙門四果。是謂須拔世間空虛。更無真人得道者也。以其賢聖法中。有賢聖法者。則有沙門四果之報。所以然者。因有沙門四果之報。皆由賢聖八品道也。若須拔。若我不得無上正真之道。皆由不得賢聖八品道。以其得賢聖八品道。故成佛道。是故須拔。當求方便。成賢聖道。然須拔。復白佛言。我亦樂聞賢聖法。

品道唯願演說世尊告曰所謂八道者等見等治
等語等命等業等方便等念等三昧是謂須
拔賢聖八品道是時須拔即於座上得法眼淨
尔時須拔語阿難言我今快得善利唯願世
尊聽爲沙門阿難報言汝今自往至世尊所
求作沙門是時須拔往至世尊所頭面禮足
白世尊言唯願世尊聽作沙門尔時須拔即
成沙門身著三法衣時須拔仰觀世尊顏即
於座上有漏心得解脫尔時世尊告阿難曰
我最後弟子之中所謂須拔是也尔時須拔
白佛言我今聞世尊夜半當取涅槃唯願世
尊先聽我取涅槃我不堪身如來先取滅度

尔時世尊默然可之。所以然者，過去恒沙諸佛世尊最後取證弟子，先取涅槃然後如來，而取滅度。此是諸佛世尊常法，非適今日。是時須拔見世尊已可之，即在如來前正身正意，繫念在前，於無餘涅槃界而取滅度。是時此地六反震動。尔時世尊便說此偈。

一切行無常，生者必有盡，不生則不聚，此滅為最樂。

是時世尊告阿難曰：自今已後，勅諸比丘不得輕心相向。大者稱尊，小者稱賢，相視當如兄弟。自今後不得稱父母所作字。是時阿難白世尊言：如今諸比丘當云何自稱名号？世

尊告曰若小比丘向大比丘稱長老。大比丘稱小比丘。稱姓字。又諸比丘欲立字者。當依三尊。此是我之教戒。是時阿難聞世尊所說歡喜奉行。

聞如是一時佛在舍衛國鹿野苑中。與比丘衆五百人。俱是時婆訶羅阿須倫及牟提輪。

天子非時至世尊所。頭面禮足。在一面坐。是時如來問阿須倫曰。汝等甚樂大海中乎。阿須倫白佛言。實樂非為不樂。世尊告曰。大海之中有何奇特之法。汝等見已於中娛樂。阿須倫白佛言。大海之中有八未曾有法。諸阿須倫娛樂其中。云何為八。於是大海之中極。

深且廣是謂初未曾有法復次大海者此初
德四大江河一一河者將從五百以投大海
便失本名字是謂第二未曾有法復次大海
皆同一味是謂第三未曾有法復次大海以
時潮賀不失時節是謂第四未曾有法復次
大海鬼神所居有形之類無不在大海中者
是謂第五未曾有法復次大海之中皆容極
大之形百由旬形千由旬形乃至七千由旬
形亦不逼迤是謂第六未曾有法復次大海
之中出若干種珍寶磈磈瑪瑙真珠琥珀水
精琉璃是謂第七未曾有法復次大海之中
下有金沙又有須弥山四寶所成是謂第八

未曾有法此名八未曾有法使諸阿湏倫
樂其中是時阿湏倫白世尊如來法中有何
奇特使諸比丘見已娛樂其中佛告阿湏倫
曰有八未曾有法使諸比丘娛樂其中云何
爲八文我法中戒律具足無放逸行是謂初
未曾有法諸比丘見已娛樂其中如彼大海
極深且廣復次我法中有四種姓於我法中
作沙門不錄前名更作餘字猶如彼大海四
大江河皆投于海而同一味更無餘名是名第二
未曾有法復次我法中施設禁戒隨其教戒亦不
越叙是謂第三未曾有法復次我法中皆同一味
所謂賢聖八品道味是也是謂第四未曾有法

如彼大海悉同一味復次我法中種種法充滿
其中所謂四意止四意斷四神足五根五力
七覺意八真直行諸比丘見已娛樂其中如彼
大海諸神居其中是謂五未曾有之法復次
我法中有種種珍寶所謂念覺意寶法覺意
寶精進覺意寶喜覺意寶猗覺意寶定覺意
寶護覺意寶是謂第六未曾有法諸比丘見
已娛樂其中如彼大海出種種珍寶復次我
法中諸有衆生之類剃除鬚髮著三法衣出
家學道於無餘涅槃界而取滅度然我法中
無有增減如彼大海諸河投之無有增減是
謂第七未曾有法諸比丘見已娛樂其中復

次我法中有金剛三昧有滅盡三昧如光
明三昧得不起三昧種種三昧不可稱計諸
比丘見已娛樂如彼大海下有金沙是謂第
八未曾有法諸比丘見已娛樂其中於我法
中有此八未曾有法諸比丘於其中自娛樂
是時阿須倫白世尊曰如來法中使有一未
曾有法者勝彼海中八未曾有法百倍千倍
不可爲比所謂賢聖八道是也善哉善哉世
尊使說斯言今時世尊漸與說法所謂施論
戒論生天之論欲不淨想漏爲大患出要爲
妙今時世尊已見彼心開意解諸佛世尊常
所說法苦習盡道盡與說之今時阿須倫使

作是念。應有五諦。今世尊但說四諦。與諸天
說五諦。是時天子即於座上得法眼淨。時阿
須倫白世尊言善哉。世尊快說斯言。今欲還
所在。世尊告曰。宜知。是時即從座起。頭面禮
足。復道而去。時天子語阿須倫曰。汝今所念
極為不善。云如來與諸天說五諦。與我說四
諦。所以然者。諸佛世尊終無二言。諸佛終不
捨衆生說法。亦無懈倦說法。亦復無盡。亦復
不選擇人。與說法平等心。而說有四諦。苦習
盡道。汝今莫作是念。勿咎如來言有五諦。是
時阿須倫報曰。我今所造不善。自當懺悔。要
當至如來所。更問此義。尔時阿須倫及天子聞

佛所說歡喜奉行

聞如是一時佛在舍衛國祇樹給孤獨園介
時世尊告諸比丘天地大動有八因緣云何
為八比丘當知此閻浮里地南北二萬一千
由旬東西七千由旬厚六萬八千由旬水厚
八萬四千由旬火厚八方四千由旬火下有
風厚六萬八千由旬風下際有金剛輪過去
諸佛世尊舍利盡在彼間比丘當知或有是
時大風正動火亦復動火已動水便動水已
動地便動是謂第一因緣使地大動復次菩
薩從兜術天降神來下在母胎中是時地亦
大動是謂第二因緣使地大動復次

神出母胎時是時天地大動是謂第一因緣
使地大動復次菩薩出家學道成無上正真
等正覺是時天地大動是謂第四因緣使地
大動復次若如來入無餘涅槃界而取滅度
是時天地大動是謂第五因緣使地大動復
次有大神足比丘心得自由意欲行無數變
化或分身爲百千之數復還爲一飛行虛空
石壁皆過踊沒自由觀地無地相了悉空無
是時地爲大動是謂第六因緣地爲大動復
次諸天有大神足神德無量從彼命終還生
彼間由宿福行具足諸德捨本天形得作帝
釋若梵天王時地爲大動是謂第七因緣地

爲大動復次若衆生命終福盡是時諸國主
不樂本邦各各相攻伐或飢饉死者或刀刃
死者是時天地大動是謂第八因緣使地大
動如是比丘有八因緣使天地大動尔時諸
比丘聞佛所說歡喜奉行

聞如是一時尊者阿那律遊在四佛所居處
是時阿那律在閑靜之處便作是念諸釋迦
文佛弟子之中戒德智慧成就者皆依戒律
於此正法中而得長養諸聲聞中不具足戒
律者斯等之類皆離正法不與戒律相應如
今此二法戒與聞何者爲勝我今可以此因
緣之本往問如來是時阿那律復作是念此

法知足之所行非無厭者之所行少欲者之
所行非爲多欲者之所行此法應閑居者之
所行非在憤內之所行此法持戒人之所行
非犯戒者之所行三昧者之所行非亂者之
所行智慧者之所行非愚者之所行多聞者
之所行非少聞者之所行是時阿那律思惟
此八大人念今我可往至世尊所而問此義
尔時世尊在舍衛城祇樹給孤獨園是時王
波斯匿請如來及比丘僧夏坐九十日是時
阿那律漸漸人間將五百比丘遊化轉至舍
衛國到如來所頭面禮足在一面坐時阿那
律白世尊言又我世尊在閑靜處思惟此義

戒與聞此二法何者最勝乎是時世尊與阿
那律便說此偈

戒勝聞勝耶 汝今起狐疑 戒勝於聞者

於中何狐疑

所以然者阿那律當知若比丘戒成就者便
得定意已得定意便獲智慧已得智慧便得

多聞已得多聞便得解脫已得解脫於無餘

涅槃而取滅度以此明之戒為最勝是時阿

那律向世尊說此八大人念佛告阿那律曰

善哉善哉阿那律汝今所念者正是大人之

所思惟也少欲知足在閑居之處戒成就三

昧成就智慧成就解脫成就多聞戒成就汝等

阿那律當建是意思惟八大人念云何知後
此法精進者之所行非懈怠者之所行所以
然者弥勒菩薩應三十劫當成無上正真等
正覺我以精進之力超越成佛阿那律知之
諸佛世尊皆同一類同其戒律解脫智慧而
無有異亦復同空無相願有三十二相八十
種好而莊嚴其身視無狀足無能見頂者皆
悉不異唯有精進不同於過去當來諸佛世
尊精進者吾最爲勝是故阿那律此第八大
人之念此爲最爲上爲尊爲貴爲無有喻猶
如由乳有酪由酪有酥由酥有醍醐然復醍
醐於中最上爲無有此此亦如是精進之途

於八大人念中最上實無有以是故阿那律
當念奉八大人念亦當與四部衆分別其義
設當八大人念流布在世者今我弟子皆當
成須陀洹道斯陀含道阿那含道阿羅漢道
所以然者我法少欲者之所行非多欲者所
行也我法知足者之所行非無厭者所行也
我法閑居者之所行非衆中者所行也我法
持戒者之所行非犯戒者所行也我法定者
之所行非亂者所行也我法智者之所行非
愚者所行也我法多聞者之所行非少聞者
所行也我法精進者之所行非懈怠者所行
也是故阿那律四部之衆當求方便行此

大人念如是阿那律當作是學。爾時阿那律聞佛所說歡喜奉行。

聞如是一時佛在舍衛國祇樹給孤獨園。爾時世尊告諸比丘。有八部之眾。汝等當知。云何為八。所謂刹利眾、婆羅門眾、長者眾、沙門眾、四天王眾、三十三天眾、魔王眾、梵天王眾。

比丘當知。我曩昔已來。至刹利眾中共相問訊。言談講論。亦復無人與我等者。獨步無侶。亦無疇匹。少欲知足。念不錯亂。戒成就。三昧成就。智慧成就。解脫成就。多聞成就。精進成就。復自憶念。至婆羅門眾中。長者眾中。沙門眾中。四天王眾中。三十三天眾中。魔王眾中。

梵天王衆中共相問訊言談講論獨步無俦
亦無疇匹於中最尊亦無等倫少欲知足意
不錯乱戒成就三昧成就智慧成就解脫成
就多聞成就精進成就當我尔時在八部衆
中獨步無侶與尔許衆生作大覆蓋是時八
部之衆無能見頂亦不敢瞻顏何況當其論

議乎所以然者我亦不見天上人中魔若魔
天沙門婆羅門衆中有能成就此八法者除
如來存不論之是故比丘當求方便行此八
法如是諸比丘當作是學尔時諸比丘聞佛
所說歡喜奉行

聞如是一時佛在舍衛國祇樹給孤獨園尔

時阿那邠邠長者往至世尊所頭面禮足在
一面坐是時世尊告長者曰長者家中廣施
不乎長者白佛貧家惠施晝夜不斷四城門
中及大市中家中行路及佛比丘僧是為八
處惠施如是世尊其有所須須衣與衣須食
與食國中珍寶終不違逆衣被飲食床卧具
病瘦醫藥悉給施之亦有諸天來至我所在
虛空中而告我曰分別尊卑此者持戒此者
犯戒與此獲福與彼無報然我心正無有彼
此不起增減之心普等慈心於一切衆生又
且衆生依命根存形有食則存非食命不濟
施惠一切衆生其報無量及其報果無有增

滅佛告長者善哉長者平等施者福第舍尊
然衆生之心復有勝如施持戒人勝犯戒者
是時虛空神天稱慶無量即說此偈

佛說擇施尊 遇衆有增減 求其良福田

何過如來衆

然今世尊所說極為快哉施持戒人勝犯戒

者今時世尊告阿那邠邠長者曰今當與汝
說賢聖之衆善思念之抱在心懷或施少獲
福多或施多獲福多阿那邠邠長者白佛言
唯願世尊敷演其義云何施少獲福多云何
施多獲福多佛告長者向阿羅漢得阿羅漢
向阿那含得阿那含向斯陀含得斯陀含向

須陀洹得須陀洹是謂長者賢聖之衆施少
獲福多施多獲福多是時世尊便說此偈
四向成就人 四者成果實 此名賢聖衆
惠施獲福廣

過去久遠諸佛世尊亦復有此聖賢之衆如
我今日無異正使當來諸佛世尊出現於世
者亦得如此聖賢之衆是故長者歡喜悅心
供奉聖衆是時世尊與彼長者說微妙法立
不退轉地長者聞已喜慶無量即從座起頭
面礼足遶佛三匝便退而去是時阿那邠那
長者聞佛所說歡喜奉行
聞如是一時佛在舍衛國祇樹給孤獨園舍

時世尊告諸比丘若善男子善女人以財物
惠施獲八功德云何為八隨時惠施非為非
時鮮潔惠施非為穢濁手自斟酌不使他人
誓願惠施無憍恣心解脫惠施不望其報惠
施求滅不求生天施求良田不施荒地然持
此功德施惠衆生不自為己如是比丘善男
子善女人以財物惠施獲八功德余時世尊
便說斯偈
智者隨時施 無有慳貪心 所作功德已
盡用惠施人 此施為最勝 諸佛所加歎
現身受其果 逝則受天福
是故比丘欲求其果報者當行此八惠其諸

無量不可稱計獲甘露寶漸至滅度如是諸
比丘當作是學今時諸比丘聞佛所說歡喜
奉行

聞如是一時佛在舍衛國祇樹給孤獨園
時世尊告諸比丘我今當說趣涅槃路向
涅槃道善思之無令漏失諸比丘

是世尊諸比丘從佛受教佛告比丘云何
趣涅槃路向涅槃道邪見趣涅槃路正見向
涅槃道邪治趣涅槃路正治向涅槃道邪語
趣涅槃路正語向涅槃道邪業趣涅槃路正
業向涅槃道邪命趣涅槃路正命向涅槃道
邪方便趣涅槃路正方便向涅槃道邪念趣

泥犁路正念向涅槃道邪定趣泥劫半路正定不
向涅槃道是謂比丘趣泥犁路向涅槃道諸
佛世尊常所應說法今已畢矣汝等樂在閑
居之處樹下露坐念行善法無起懈慢今不
勤行後悔無及今時諸比丘聞佛所說歡喜
奉行

非時泥犁道
善男子施道

須倫天地動

大人八念衆

增壹阿舍經卷第三十七

如

彈

音壇

湍瞿

上土

逼

反

迮

上彼

力

反

憤

上

丙

反

下

關

殊

且表昔

上乃

疇

反

疇

上直

流

反

邠

上布

邠

反

飢

反

飢

反

飢

反

飢

